

緣初第二靜慮諸行滅有緣第二第三靜慮  
諸行滅有緣第三第四靜慮諸行滅有緣第

四靜慮空無邊處諸行滅有緣空識無邊處

諸行滅有緣識無邊處無所有處諸行滅有  
緣無所有處非想非非想處諸行滅三四五  
六七八地合緣如前說道類智滅道法智亦

如前說依初靜慮起無間道離非想非非想

處染時苦集類智惟緣非想非非想處苦集  
滅類智有惟緣初靜慮諸行滅乃至有惟緣  
非想非非想處諸行滅二三四五六七八地  
合緣如前說道類智滅道法智亦如前說如  
是依第二靜慮起無間道離第二靜慮乃至

非想非非想處染乃至依無所有處起無間  
道離無所有處及非想非非想處染如其所  
應皆當廣說有差別者三無色地除二法智  
及不能緣下地滅如是即說生欲界者若生  
色無色界一切法智皆不現起生彼上地不  
緣下滅如無間道解脫道亦尔唯除離非想

非非想處下下品染解脫道唯容得有苦集  
類智

說一切有部發智大毗婆沙論卷第一百八十六動六  
踰繕下時扇反螺貝上郎和反嗤誚上尺之及笑反瞎許八  
眩亂上音捷疾童稚下直憤串利反

患二同俱失

方末

何

阿毗達磨大毗婆沙論卷第一百八十七

動七

五百大阿羅漢等造

三藏法師玄奘奉

詔譯

見蘊第八中念住納息第一之一

有四念住謂身受心法念住如是等章及解  
章義既領會已應廣分別問何故作此論答  
爲欲解釋契經義故如契經說有四念住謂

乙

李刃

身念住乃至法念住雖作是說而不分別若修身念住彼受耶乃至廣說彼經是此論所依根本彼所不分別者今盡應說故作斯論然佛說有三種念住一自性念住二相雜念住三所緣念住於何處說自性念住耶答如契經說有一趣道能令有情清淨超滅憂若

謂四念住何等爲四謂於身循身觀念住乃至於法循法觀念住復何處說相雜念住耶答如契經說若有說善法聚者即四念住是爲正說所以者何淳具圓滿善法聚者唯四念住何等爲四謂於身循身觀乃至廣說復何處說所緣念住耶答如契經說若有說一

切法即四念住是爲正說所以者何具足攝受一切法者惟四念住何等爲四謂於身循身觀念住乃至廣說此中三經標句如其次第別說自性相雜所緣念住釋句皆說自性念住以循觀言俱自慧故問何故世尊於標句中或說自性念住或說相雜念住或說所

緣念住於釋句中唯說自性念住耶答欲令勝義念住無失壞故念住有二種一勝義二世俗自性念住是勝義餘是世俗勝義念住於一切時不可失壞故佛於釋句中皆說自性有說由自性念住力故相雜所緣說名念住有說欲顯三種念住俱以慧爲自性故謂

一慧性由俱有法相雜助伴能有所作即名相雜念住由所緣力能偏隨觀即名所緣念住由佛於契經中說此三種念住故阿毗達磨者亦於處處依三種念住而作論云何知然如說云何身念住謂緣身慧乃至云何法念住謂緣法慧是謂說自性念住處此即契

經所說有一趣道乃至廣說如說云何身念住謂身增上道所生有漏無漏善乃至云何法念住謂法增上道所生有漏無漏善是謂說相雜念住處此即契經所說善法聚者即四念住乃至廣說如說云何身念住謂十色處及法處所攝色云何受念住謂六受身云

動七

何心念住謂六識身云何法念住謂受蘊所不攝非色法處是謂說所緣念住處此即契經所說一切法者即四念住如是阿毗達磨所說與契經相應是故此中亦依三種念住而作論

問此尊爲何等有情說自性念住乃至爲何

等有情說所緣念住耶答爲即愚彼三種有情說三念住謂愚自性念住者爲說自性念住乃至愚所緣念住者爲說所緣念住復次有情行有差別謂初業等爲初業者說所緣念住爲已習行說相雜念住爲已超作意說自性念住復次有情樂欲有差別謂廣略中

樂略者爲說自性念住樂中者爲說相雜念住樂廣者爲說所緣念住復次有情根有差別謂利中鈍爲利根說自性念住爲中根說相雜念住爲鈍根說所緣念住復次有情智有差別謂開發生智分別生智引導生智開發生智爲說自性念住分別生智爲說相雜

念住引導生智爲說所緣念住爲如是等所化有情故佛說此三種念住

問此三念住誰斷煩惱答惟相雜念住能斷煩惱非餘問何故自性念住不能斷煩惱耶答若離助伴惟慧不能斷煩惱故問何故所緣念住不能斷煩惱耶答彼作意普散故惟

動七

三

李

總略所緣作意能斷煩惱問何故相雜念住能斷煩惱耶答具二緣故謂攝受助伴故及摠略所緣作意故問若余修餘念住應成無用答彼能引發相雜念住非爲無用有說斷有二種一暫時斷二究竟斷修餘念住能暫時斷故非無用相雜念住復有三種謂聞思修所成差別問此三何者能斷煩惱答修所能斷煩惱非餘問何故聞所成不能斷煩惱耶答此必依名乃於義轉惟不待名於義轉道能斷煩惱問何故思所成不能斷煩惱耶答由此作意是不定地所攝故惟定地所攝道能斷煩惱問何故修所成能斷煩惱耶

答具二緣故謂不待名於義轉故及定地所攝故問若爾修餘二種應成無用答彼能引發修所成故謂聞所成能引發思所成恩所成能引發修所成能斷煩惱故非無用有說斷有二種如前廣說修所成念住復有四種謂身受心法問此四何者能斷煩惱

答法念住能斷煩惱非餘問何故前三念住不能斷煩惱耶答彼是自相作意所攝故惟共相作意所攝道能斷煩惱有說彼一一蘊各別緣故要總緣四蘊五蘊或雜蘊道能斷煩惱問若爾修前三種應成無用答能引發法念住故謂身念住能引受念住受念住能引心念住心念住能引法念住法念住能斷煩惱故非無用有說要先分別諸蘊後方能總緣而斷煩惱故非無用有說斷有二種如前廣說法念住復有二種一雜緣二不雜緣若緣想行蘊及無爲名不雜緣若於五蘊或二二緣或三三緣或四四緣或五五緣及無

爲名爲雜緣問此中何等法念住能斷煩惱答二俱能斷謂若緣苦集道諦斷煩惱道是雜緣法念住若緣滅諦斷煩惱道是不雜緣法念住

動七

四

李

不繫或說三謂軟中上品或聞思修所成或說四謂身受心法或說五謂三界繫學無學或說六謂有漏無漏各有軟中上品或說八謂身受心法各有有漏無漏或說九謂軟軟乃至上上或說十二謂身受心法各有軟中上品復有別說十二如契經說於內身住循身觀於外身住循身觀於内外身住循身觀如身三種乃至法亦尔或說十八謂有漏無漏各有軟軟乃至上上品或說二十四謂身受心法軟中上品各有有漏無漏或說三十謂身受心法各有軟軟乃至上上品復有六謂身受心法各有軟軟乃至上上品復有別說三十六如契經說於內身住狀逆想於

內身住不厭逆想於內身住俱離捨正念正知如於內身於外身內外身亦尔如於身有九乃至於法亦尔或說七十二謂身念住有漏無漏各有輕軟乃至上上品如身念住有十八乃至法念住亦尔若約相續刹那分別則有無量念住問若尔者出尊何故於一等

廣說四念住於無量略說四念住耶答爲對治四顛倒故謂對治於不淨淨想顛倒故說

身念住對治於苦樂想顛倒故說受念住對治於無常常想顛倒故說心念住對治我我想顛倒故說法念住有說爲對治四食故謂對治段食故說身念住對治觸食故說

動七

五

李

受念住對治識食故說心念住對治意思食故說法念住有說爲對治四識住故謂對治色近行識住故說身念住對治受近行識住故說受念住對治住彼識故說心念住對治想近行行近行識住故說法念住有說爲對治五蘊故謂對治色蘊故說身念住對治受

蘊故說受念住對治識蘊故說心念住對治想蘊行蘊故說法念住有說爲對治四種不修故謂對治不修身故說身念住對治不修戒故說受念住對治不修心故說心念住對治不修慧故說法念住有說與四修同法故說四念住謂與修身同法故說身念住與修

戒同法故說受念住與修心同法故說心念住與修慧同法故說法念住

問念住以何爲自性爲以念爲以慧耶若以念者此說云何通如說於身循身觀乃至廣說若以慧者何故名念住又契經說當云何通如說於何處應觀念根謂於四念住答應

說慧爲自性問若尔何故名念住耶答念於此住等住各住故名念住如象馬等所住處名象馬等住此亦如是有說此由念力能於所緣起差別廣博作用而不失壞故名念住有說由念力故此瑜伽師審記所緣於所緣境忘已還憶故名念住有說此修行者於所

緣中先以念安住然後觀察復於所緣先通達已後以念安住爲守護故如守門者故名念住有說此修行者於所緣境先以念攝持後以慧觀察而斷煩惱譬如田夫先以左手攬取草等後以右手執鎌刈之此亦如是故名念住有說此瑜伽師被念鎧甲於心相續

上執慧刀仗在生死陣中不爲煩惱怨所降伏而能降伏於彼故名念住有說爲遮取自性過故說名念住若名慧住者便有取自性住有說爲顯非唯自性能有所作故名念住由是等緣但名念住不名慧住問契經所說復云何通如說於何處應觀念根謂於四

動七

六

李

念住答以念根於念住位作用增上故作是說如信根於四證淨位作用增上故佛復說於何處應觀信根謂於四證淨如是精進根於四正斷定根於四靜慮慧根於四聖諦亦余故世尊乃至復說於何處應觀慧根於四聖諦此亦如是是謂念住自性

已說自性所以今當說何故名念住念住是何義答念於此住等住各住廣說如前已揔說念住所以一一所以今當說問何故名身念住答此念住緣身故名身念住問餘念住亦緣身謂受念住緣六受身心念住緣六識身法念住緣六想身六思身等何故不皆名身念住耶答此中所說緣身者謂緣色身餘念住緣非色身故不名身念住有說若緣麤顯易見現見身者名身念住餘念住緣微隱難見難覺不現見身故不名身念住有說若所緣身是極微聚所成者彼名身念住餘所緣身非極微聚所成故彼不名身念住有說

若緣於身而能知所知俱時生者名身念住餘雖緣身而能知所知不俱生故不名身念住雖法念住中有俱生者以少故不說如緣身故名身念住如是緣受故名受念住緣心故名心念住緣法故名法念住問一切皆是法一切皆惟有法故何故惟一名法念住非李

餘耶答雖一切皆是法而但立一爲法念住如十八界皆是法而但立一爲法界十二處皆是法而但立一爲法處如法界法處如是法智擇法覺支法隨念法證淨法無礙解法寶法歸亦余有說法念住有一名餘念住有二名有說法念住有共名餘念住有共不共名有說一切有爲法由生所起生是彼所緣故名法念住有說一切法由名所顯名是彼所緣故名法念住有說諸有爲相是一切有爲法之標幟印此諸相墮在彼所緣中故名法念住有說空解脫門覺諸法法性此空攝在彼所緣中故名法念住問若余者薩迦耶見亦覺諸法補特伽羅性何故不依彼立名耶答彼非真實覺此是真實覺故無有過有說慧能分別諸法自相共相安立諸法自相共相損害事愚及所緣愚於諸法中不增減轉此慧墮在彼所緣中故名法念住有說滅諦涅槃是勝義法常住不變此法攝在彼所

緣中故名法念住有說此念住能緣多法謂色非色相應不相應有所依無所依有行相無行相有所緣無所緣有警覺無警覺是故名法念住有說身念住緣身不緣緣身慧受念住緣受不緣緣受慧心念住緣心不緣緣心慧法念住緣身亦緣緣身慧緣受心法亦心慧法念住緣身亦緣緣身慧緣受心法亦緣緣受心法慧是故惟此名法念住有說身念住緣身不緣身生老無常受念住緣受不緣受生老無常心念住緣心不緣心生老無常法念住緣身亦緣身生老無常緣受心法亦緣受心法生老無常是故惟此名法念住有說齊此諸瑜伽師我想一合想皆得止息

法想差別想修習圓滿故名法念住謂瑜伽師分析身已便計受爲我分析受已便計心爲我分析心已便計法爲我分析法已便知一切非我有情惟空行聚是故齊此法想圓滿名法念住已說念住一一所以彼次第今當說何故世尊先說身念住乃至後說法念

住耶荅顯示隨順故謂若如是次第顯示則於文字言說隨順有說說受隨順故謂若作如是次第則於師說及弟子受皆得隨順有說此依生起次第故次第有三種一生起次第二顯示次第三現觀次第生起次第者如此念住及靜慮無量無色解脫勝處偏處等

顯示次第者謂正斷神足根力覺支道支等現觀次第者謂四聖諦以瑜伽師先起身念住故佛前說乃至後起法念住故佛後說問因論生論何故諸瑜伽師先起身念住乃至後起法念住耶荅依鹿細次第故謂五蘊中色蘊最鹿故先觀察起身念住四無色蘊中受蘊最鹿故次觀察起受念住問受等無方所如何可施設鹿細耶荅雖無方所鹿細而有行相鹿細亦可施設此中受行相鹿如說我手足等痛又說我受如是如是苦故受等蘊雖非色而如色施設鹿細四無色蘊中識蘊最細而先想行蘊觀察起心念住者以想

行蘊與涅槃最微細法合施設故彼最後觀察起法念住有說從不可知本際已來男爲女色女爲果色是生染處故先觀色起身念住染著此色由貪樂受故次觀受起心念住貪樂由於心不調伏故次觀心起心念住心不調伏由煩惱未斷故最後觀法起法念住

動七

九

李

有說以色可施設有增減有取捨相似相續故先觀色起身念住於觀色時起身輕安及心輕安由此爲先引起樂受故次觀受起受念住於觀受時引起勝義境界了別故次觀識起心念住彼作是念若處起心亦起心所故最後觀法起法念住有說身愚能持受愚乃至心愚能持法愚非身愚不轉能轉受愚乃至非心愚不轉能轉法愚故四念住如是次第起有說身不愚能引受不愚乃至心不愚能引法不愚非身不愚不起能起受不愚乃至非心不愚不起能起法不愚故四念住

能引法觀非身觀不起能起受觀廣說如上有說身觀與受觀爲因爲根爲眼爲導爲漸爲能作爲緣生爲起集爲等起受觀與心觀心觀與法觀亦尔餘如前說有說身觀與受觀爲加行爲門爲依乃至心觀與法觀亦尔餘如前說有說身觀與受觀爲依止爲迹處

乃至心觀與法觀亦尔餘如前說問若尔身觀復以誰爲依止迹處耶答以先所得奢摩他相爲依止爲迹處如說彼先得不動奢摩他故身輕軟相從足至頂周徧積聚由此能起身念住乃至法念住有說彼於相續中分別諸處起四念住謂瑜伽師先欲知諸色處故先分別十色處及法處所攝色是故先起身念住次即於法處分別諸受故次起受念住次即於法處分別想行蘊及三無爲故次起法念住彼復作是念除此有何即如實知餘有意處由此即分別意處故最後起心念住諸瑜伽師若依自相觀則先起法念住後起

起心念住若依共相觀則先起心念住後起法念住故四念住如是次第起問爲先起緣內念住爲先起緣外念住耶若尔有何過若先起緣內念住者經說云何通如說新學苾芻具淨尸羅意樂圓滿欲疾除斷欲貪瞋者應往澹泊路詣死屍所善取其

勸七

十

相或青瘀或膿爛乃至廣說若先起緣外念住者餘經說復云何通如說先於內身住循身觀次於外身乃至廣說答應作是說先起緣內念住所以者何以有我故有我所有我執故有我所執有我見故有我所見有五我見故有十五我所見有我愚故有我所愚有

我愛故有衆具愛爲長養內我求外資具故問若尔前所引經云何通答彼是念住加行非根本念住云何知然即彼經說善取相已速還本處憶念先所取相若能者善若不能者復往屍所更善取相馳還本處洗足入房敷座而坐以勝解作意令所取相明了現前

是名念住加行若時以外所取相置於內身而觀察者乃名入根本念住有說彼契經說果勝作意非念住位云何知然即彼經說彼新學苾芻得學意已若欲往澹泊路者隨欲而往此中新學苾芻即預流者及一來者故知彼契經說果勝作意非念住位

如契經說於內身住循身觀於外身住循身觀於內外身住循身觀乃至廣說問此中何者名內身等何者名外身等答自相續所攝色名內身他相續所攝色及非有情數色名外身內法外法說亦余自相續所攝受名內受他相續所攝受名外受內心外心說亦余

動七

土

李

有餘師說有情數色名內身非有情數色名外身內法外法說亦余受心如前說勝導者言現在名內過去未來及無爲名外問何故現在名內過去未來及無爲名外耶答以現在法多今有情攝受貪著非過去未來及無爲故此中於內身住循身觀者住內身自相

觀於外身住循身觀者住外身自相觀於外身住循身觀者住內外身共相觀乃至法亦余有說於內身住循身觀者住內身廣觀於外身住循身觀者住外身廣觀於內外身住循身觀者住內外身略觀乃至法亦余有說於內身住循身觀者對治我執於外身住循身觀者對治我所執於內外身住循身觀者對治我我所執乃至法亦余如我執我所執我見我所見說亦如是有說於內身住循身觀者對治五我見於外身住循身觀者對治十五我所見於內外身住循身觀者對治二十種薩迦耶見乃至法亦余如我見我所見如是我愚我所愚說亦余有說於內身住循身觀者對治我愛於外身住循身觀者對治衆具愛於內外身住循身觀者對治俱愛乃至法亦余問齊何當言身念住乃至法念住圓滿耶答由二緣故當知圓滿一分別所緣二善根增分別所緣者謂若時能以剎那

極微分析所緣或惟以剎那分析所緣善根增者謂依下生中依中生上齊此應知念住圓滿有說由轉加行應知圓滿謂瑜伽師先分別身分別身已轉身覺慧次分別受分別受已轉受覺慧次分別心分別心已轉心覺慧分別於法譬如農夫引水溉田初畦滿已

引溉第二第二滿已引溉第三第三滿已引溉第四此亦如是有說齊怨害相成應知圓滿怨害相有二種一令不喜樂二令生瞋恚此中但說令不喜樂名怨害相謂瑜伽師分別身已便於身不生喜樂而喜樂受等分別受已復於受不生喜樂而喜樂心等分別心

動七

十二

李

已復於心不生喜樂而喜樂於法分別法已便於一切境界不生喜樂應知爾時念住圓滿

滿

說一切有部發智大毗婆沙論卷第一百八十七 動七  
攬即取 錄刈 上音麻下魚反 鐸苦改苦愛二反 青瘀去反 下於音景  
標幟上必苗反 分析下先擊反 警覺二音角  
下音試

阿毗達磨入毗婆沙論卷第一百八十八 動八

五百大阿羅漢等造 三藏法師玄奘奉 詔譯

見蘊第八中念住納息第一之二

復次有三種念住謂聞思修所成差別此中有說於佛所說十二分教受持讀誦思量分別名聞所成念住依聞起思依思起修依修

乙

趙

能斷煩惱如依金剛出金依金出金剛依金剛能壞石等堅物脇尊者言於佛所說十二分教受持讀誦思量分別是生得慧依生得慧起聞所成念住依聞起思依思起修依修能斷煩惱如依種子生芽依芽生莖依莖生枝葉依枝葉生華果問此三念住何差別有

說名即差別謂此名聞所成念住乃至此名修所成念住有說聞所成念住一切時依名於義轉謂素恒纏說有何義毗奈耶說有何義阿遮利耶說有何義餘書論說有何思義所成念住或依名或不依名於義而轉修所成